


TENTAMEN MEDICUM,

INAUGURALE,

DE

A N A S A R C A.



W. A. M. F. 1841
A. N. A. R. C. A.
TENTAMEN MEDICUM
IN AUGURALE

DE
A. N. A. R. C. A.
TENTAMEN MEDICUM
IN AUGURALE

DE
A. N. A. R. C. A.
TENTAMEN MEDICUM
IN AUGURALE

TENTAMEN MEDICUM,
INAUGURALE,
DE
ANASARCA.

QUOD,
ANNUENTE SUMMO NUMINE,
Ex Auctoritate Reverendi admodum Viri,
D. GULIELMI ROBERTSON, S. S. T. P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI consensu,
Et nobilissimæ FACULTATIS MEDICÆ decreto;
PRO GRADU DOCTORATUS,
SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subicit

JOHANNES PLEASANCE,
ANGLO-BRITANNUS.

Soc. Ch. Med. Edin. S. H. et Praef. Ann.

Quis talia fando——

——temperet a lachrymis?

VIRGIL.

Ad diem 25. Junii, hora locoque solitis.

EDINBURGI:
Apud BALFOUR et SMELLIE,
Academiae Typographos.

M,DCC,LXXXI.

PRÆCEPTORI SUO ERUDITISSIMO
THOMÆ YOUNG,

M.D.

ARTIS OBSTETRICIÆ IN
ACADEMIA EDINENSI

PROFESSORI,
S. P. D.

JOHANNES PLEASANCE.

Cum mecum, vir illustrissime, quot beneficia in me conferenda amicus privatus curaveris, quantumque fructus e praelectionibus tuis, super re obstetricia, excellentissimis, quas ab initio ad finem usque quater audire mihi contigerit, perceperim, attentus reputo, te ex omnibus mortalibus, quibuscum aliquid familiaritatis amicitiaeve mihi intercedit, cui hoc, qualecunque sit, dedicem opusculum, non seligere non possum, praesertim cum metus sit, ne nulla posthac alia grates, quas optime meritus es, tibi persolvendi subministretur occasio. Onus maturum utero molliter auferre, et mala, quibus sexus objiciatur foemineus, nimis numerosa, feliciter levare diu pergas, fama et existimatione, quas artis propriae notitia, benevolentia, et humanitas tibi jure comparunt, indies auctior, et ab omni parte beatus. Vale.

Dabam Edinburgi pridie }
Idus Junias 1781. }

TENTAMEN MEDICUM,

INAUGURALE,

DE

ANASARCA.

MORBI quibus corpus humanum subjicitur, ut nobis nosologifti demonftrarunt, admodum funt multi, alius alio diffidens, ac affidue inter feſe connecti obnoxii, quo magis mirum homini medica ſcientia praedito videatur, ſe adhuc ab uno vel altero eorum immunem vixiſſe!

Morbi qui ſubito irrumpunt, quorum ſymptomata violentiora funt, curſusque rapidus, omni aevo attentionem obſervantis excitaverunt, ac inſtanti ope medici eguerunt; hinc eſt, quod eorum cauſae

A

magis

magis accurate fuerunt exploratae, ac remedia melius stabilita, quam in his, ubi mors gradatim ac insidiosè appropinquat, ubique symptomata primo nihil periculi exhibent, etiam si saepe ad mortem postremo ducant. In ordine priori, morbus ad mortem aut sanitatem cito tendit; ac saepe, si appetitus naturae non repugnati fuerint, in medelam sui ipsius laborat: In posteriori autem morbus tempore inveterascit, vires vitales paulatim marcescunt, et aegrotus, omnem medicinam deludens, quod restat vitae curriculum inter ejulatus ac misérias agit. Classi morborum jam dicta, Hydrops-anasarca merito, me iudice, adnumerari potest, quae, ob symptomatum vim, diuturnitatem, ac saepe irradicandi impotentiam nostram, mihi videtur inter morbos, qui curam medici praecipue postulant, non inferiorem locum tenere. Aretaeus enim rite observavit, ‘ Medicum totum hominem permutare debere, si ipsum curare velit.’ Hunc igitur morbum, variis rationibus inductus, pro dissertationis

nis

nis inauguralis materia felegi. Non vero mihi assumam, quasi aliquid novi hac de re edere possim; ter felix egomet, si, quando ex spectatis scriptoribus ea quae ad praxin utilissima visa sunt, selegero, ac hocce opusculum ad finem perduxero, modus medendi ut verae theoriae ac causis morbi nixus, vobis, doctissimi ac semper venerandi Praeceptores, gratus fuerit.

HISTORIA MORBI.

Nulli corporis habitui adeo infestus est hicce morbus, ac laxo et debili. Corporis temperamentum, in quo saepissime impetum facit, phlegmaticum est. Nulla aetas ejus expers est; at raro infantibus, majoribus vero natu frequentius, invadit. Annuentibus plerisque scriptoribus, duae de tribus anasarca laborantium quinquagesimum annum transgredere; attamen illustr. Professor Home, in praxi sua extensa, ac felicissima, notavit, minores natu frequenter hoc morbo corripi. Huncce morbum impri-

mis

mis talorum pedumque intumescencia, indicat *; si aegrotus praesertim multum per diem ambulaverit, situve erecto per aliquod temporis spatium manserit, etsi frequenter in hominem minime de die exercitatum incidat. Tumor hic naturalem partis colorem plerumque retinet, et impressi digiti vestigium relinquit †; auroram vero versus evanescit, dum per noctem in situ horizontali decubuerit aeger. Corpus jam magis quam solito exercitatione defatigatur, sitis paulatim increfcit, et urina pro quantitate ingesti liquoris parce nimis mittitur. “Aeger, in partibus quas morbus obsidet, mole augetur: In reliquis magis magisque indies emaciatur et gracilefcit ‡,” &c. Brevi tumor ad partes superiores ascendit, magisque fit stabilis; urinae quantitas minor, et plerum-

* Hoc saepissime fit; tumor autem partibus aliis irrumpat, et per totum inde corpus sese diffundat.

† Foveae a digitorum impressione in surarum parte inferiori sub noctem imprimis conspicuae. *Vid. Sydenham. de Hydrope*

‡ Sydenham. de Hydrope.

plerumque limpida evadit ; eundem attamen colorem *saturate* rubrum, ac in hydro-picis aliis collectionibus saepe ostendit. Progrediente morbo, tumor ad coxas, lumbos, ventremque quasi ex traduce propagatur, cellas tandem organaque procul remota vehementer distendit. In mediaſtinum et cellas supra pulmones fitas, ad manus faciemque postremo penetrat. Palpebrae ita aliquando aqua tumescunt, ut visus omnino hebescat ; progressu morbi, totum corpus aquae copia corripitur, partibus magis dependentibus maxime extensis ; aqua per cutem aliquando cuticulamque iter sibi facit, alio in vesiculas cuticulam elevat ; fluidum emissum aliquando tam limpidum est, ut lucem parti admotam transmittat, ac spectanti in comodo situ accurate observanti, pars anasarcae illuminata maxime transparens videbitur ; licet aliis, at raro, collectiones summae spissitudinis inventae fuerint *. Ut tumor se diffundit, urina fit turbida,

* Vide Dr Donald Monro on the dropfy.

turbida, et colorem ferofum induit ; respirandi difficultas, frequenti ac ficca tuffi et anxietate concomitata, jam supervenit ; aegroto in fitu horizontali pofito, fomnum praeveniendū, valde molefta, et fic aegrotans a temporario folatio, illum magnopere refocillante, deprivatur. Cutis magis folito arida fit, interdum perlucida eft, sentiendi facultas calorque superficiei naturalis diminuantur, et respiratio inertior magisque languida fit ; maximeque impedita refpiratione, aegrotus thorace erecto fuffinendus fit. Pulsus, qui initio naturales erant, nunc parvi, frequentes, et irregulares evadunt ; debilitas et languor magis magisque augentur ; fitis intolerabilior fit ; ac folidorum ciborum adpetentia deeft. “ Aliquando in tibiis apparent maculae et veficulae, quae in ulcera infanabilia degenerant *.” Laborans morbo naufea frequenter vexatur, infenfibilis faepe vel comatofus fit ; urina faecesque, aegrotante infcio, emittuntur ; deliquium animi

* Vide Principia Medicinae celeb. P. Home.

animi plerumque supervenit; morsque, quam jam implorat ipse aeger, exoptant amici, mortalitati ac miseriae finem imponendo, tragoediam claudit. Si morbus absque ope medicinae felicem habuerit finem, haud raro ex magna urinae evacuatione, majori vel minori febris gradu comitata, procedit. Ut plurimum infausste terminatur ex impedita respiratione, indeque pendente sanguinis circuitus obstructione. Hae quidem functiones non semper ad rationem voluminis externi tumoris impediuntur; etenim analecta medica testantur, rupturas locum obtinuisse, dum memoratae functiones minime affectae fuerint; et, e contrario, parva licet externa intumescencia, magnopere nihilominus illae perturbatae fuerunt. Et si aliae fuerint secretiones diminutae, alvi tamen evacuatio minime impeditur; postremo autem constipatio supervenit. Cum maxima fiti, lingua humida tamen manet; et tum demum arefcere incipit, quando progressu morbi febrilis affectionis symptomata appropinquaverint. Hunc cursum tenet anasarca

farca gradatim inducta ; verum enim vero una nocte illam irrepsisse novimus *, uti ex observationibus summorum virorum Sauvagesii et Home abunde constat.

Araeteus hujusce affectionis historiam verbis paucis eleganter comprehendit †.

DEFINITIO.

Summa adhibita ingenii nostri cura ac sollicitudine, nulla aptior visa est definitio ea quam nobis tradit illust. Cullen, medicorum decus ac heros. “ Corporis totius vel
partis

* Vide Sauvag. Nosolog. Method. vol. 2. p. 472. Praelect. Clinic. Celeb. Home et Gregory.

† “ Omnibus,” inquit, “ inest pallor, spirationis difficultas, tussis. Diversis temporibus segnes sunt, pigritia multa, a cibo abalienatio, et, si aliquid adsumant, quamvis modicum et flatu carens, nihilominus valde inflantur ; distentiones patiuntur ; citra madorem eorum corpus est ; idcirco neque in balneis sudore madescunt ; praeterea albidi sunt et effeminati ; somni graves sunt, torpentes, breves, animi deliquium, circa minima quaeque sollicitudo, vivendi cupiditas ;” *Lib. 4. cap. 1.*

partis ejus intumescencia mollis inelastica ;”
*Nosol. Method. Cl. 3. Cachexiae**; *Ord. 2.*
Intumescenciae.

D I A G N O S I S.

Morbi praecipua signa sunt : Primo, tumor discolor, foveam imprementis digiti retinens ; 2do, Urinae defectus ; 3tio, Sitis, ac quarto respirationis difficultas. Ultima tria huicce, aliisque effusionibus serosis, communia sunt ; adeoque, absente primo, morbus non adest ; hoc fere necessitatem diagnofin ulterius extendendi praeccluderet.

Anasarcam ex tumoribus oedematosis, in cruribus convalescentium atque mulierum utero gerentium, dignoscimus, per urinae inopiam quam induit, per sitim qua comi-

B tatur,

* Cachexiam proximum esse ad hydropis gradum, constans antiquissimorum medicorum fuit advertio, qui inde, in suis de re medica monumentis, post cachexiam statim de hydrope agere consueverunt. *Vid. Hoffman de Hydrope.*

tatur, et ex rebus manifestis, in multiplicibus aegrotorum convalescentium querelis. Sydenhamus, cum de signis hydropis adpropinquantis loquitur, sequentia habet? “ Neque tamen in viris ejusmodi tumor hydropem certo indicat; etenim, cum senex quispian, habitu corporis paulo plenioris praeditus, asthma jam a multis annis laborans, ab eodem derepente, idque hiemis tempore, fuerit liberatus, mox ingens tumor musculos tibiaram occupabit, hydropicorum tumores aemulans, qui hieme etiam magis quam aestate, tempestate magis pluvia quam serena, pariter invalescit, et tamen, sine quovis incommodo insigniori, eundem ad libitinam usque comitabitur.” Anasarca a tumoribus ex erysipelate orientibus dignoscitur, coloris dissimilitudine, vario modo quo impetum facit, et absentia febris, saltem violentioris, quae affectiones erysipelatosas semper fere comitatur. Anasarcae non lividus ille est color, qui ecchymosin prodit; et in hac praeterea nulla lotii inopia aut praeternaturale bibendi desiderium adest.

Sed

Sed ut aqua in hydropo non semper pura effunditur, absente igitur pelluciditate, non concludere licet pro certo, morbum non hydropem esse; enarrat enim Doctor Donald Monro celeb. * se hydropicorum aquam viridem, fuscā, et sanguineo-ru-
bram vidisse, immo nonnunquam etiam lacti illam similem fuisse. Colore, siti, gingivis aridis, ac salubri spiritu, a tumori-
bus scorbuticis distingui potest. Illam quo-
que ab aëre in membrana cellulari collecto, paucitate urinae, digiti impressione diu ma-
nente, et ad tactum flacciditate, elasticitate illi peculiarique emphysematis sono crepi-
tanti opposita, distinguimus. Ex obesitate nimia corporis, anasarca signis variis in hi-
storia ejus saepius jam dictis facile discerna-
tur, mutatione loci situ, partes inferiores primo aggrediente, celeriter ascendente, et intumescencia adiposa impressionem digiti non retinente. Circa finem graviditatis, ut

antea

* Vide Dr. Donald Monro on the Dropsy; et e-
tiam Bassii observ. med. dec. 2. observ. 7.; et Hist.
de l'acad. des sciences, 1700—1710.

antea notatum fuit, crura subinde valde tumescunt, et revera oedematosa sunt; peracto vero partu, hicce tumor, ex causa definita pendens, brevi evanescit; et ut intumescencia haec gestationis tempore nata, pauloque post sua sponte abiens, nil ominosi portendat; sic, qui illam radicitus tollere tentat, inanem non modo verum et perniciosam operam ludit. Tumores, etiam si in cruribus convalescentium spuriam quandam anasarcae speciem constituent, tamen ut morbus non verus ille est, cui genuinae anasarcae adfinximus ideam, nec urgentibus illis symptomatibus stipatur, quorum in historia morbi nostri mentionem fecimus, sed omnino ex debilitate pendet, a causis vulgo excitantibus immunis, distinctio inter hosce morbos multum non facessit negotii. Quum vero spuria haec cruralis anasarca universalem morbum nonnunquam praefagiat, procul dubio systemati roborando, et causae morbi tollendo, opera danda est. Aliis antiquorum placuit, inter anasarcam et leucophlegmasiam distinguere; sed mihi distinctio

adparet

adparet in gradu affectionis tantummodo esse, qua de causa minus necessarium duxi, amplius in hac dissertatiuncula de ea dicere.

CAUSÆ REMOTÆ.

Causae hujus plerorumque morborum remotae, rite in praedisponentes ac excitantes dividantur.

CAUSÆ PRÆDISPONENTES.

Quidquid ad vires corporis assimilatrices perturbandas tendit, anasarcae portam aperit; hae etenim facultates cum tono ac vigore solidorum, haecceque iterum cum statu virium vitalium, vel energiae nervosae, arcto connectuntur vinculo. Globuli rubri sanguinis, quam ulla alia pars massae circulantis, magis in processu animali progredi adparent, et in bona valetudine proportionem bene aptam ad reliquas partes
constituentes

constituentes gerunt; eorum excessus, vigore et agilitate facultatum moventium, ac solidorum simplicium firmitate, exercitatione praecipue adhibita moderata, plerumque comitatus est. Ubi vero deficiunt, corpus languidum fit et imbecille, vires vitales diminutae videntur, solidaque flaccidiora evadunt; sed leucophlegmatica est auctorum diathesis quae ad anasarcam praedisponit. Quaecunque igitur ad hancce augendam ducunt, propensionem ad morbum etiam augebunt; sed, ut illum debilem necessario statum esse oporteat, imbecilles haec esse vires ita necesse etiam est; quodcunque igitur ad laxitatem in solidis simplicibus, et debilitatem aequam in vitalibus gignendam conducit, praedispositionis causa fit. Senectus, coelum madidum, vita sedentaria, debilitatem tenuemque fluidorum statum inferunt; fibrarum laxitas, congenita vel acquisita, ab immodico et nimis frequenti more liquores ingurgitandi spirituosos, vel ex diaeta tenui, parca, et aquosa, aut validioribus drastice, salivationibus

livationibus crebris, haemorrhagiis profusis, &c. inducta, omnia ut causae praedisponentes agunt. Iniquae sortes vitae, diuturnum vehementemque moerorem inducentes, sine dubio inter hasce causas enumerentur. Totius systematis nervosi, et necessario cunctarum functionum cum ea nexarum, vim minuunt; nullibi tamen tantum habent effectum, ac in stomachum aliaque viscera abdominalia *. Digestio impeditur; chylicatio non bene peragitur; et bonus sanguis, ad robur corporis adeo necessarius, non sufficienti quantitate elaboratur. “Causa hujusce morbi in genere sanguinis debilitas est; unde alimento quod forinfecus importatur in substantiam suam convertendo non jam par, idem in extremitates et pendulas corporis partes explodere necesse, mox in abdomen etiam †. Ipsa et jam sanguinis circulatio aliquo incommodo afficitur; motus cordis neque tam

* Praelect. de Institutionibus Medicinae celeb. Prof. Gregory.

† Vide Sydenham. De Hydrope.

tam rapidi, nec tam validi sunt; hinc obstructions in visceribus abdominalibus facile formantur, praesertim in hepate et splene; et vasa harum partium, nullis valvulis instructa, tanto magis iis obnoxia sunt. Foeminae huic morbo magis quam viri expositae sunt, non tantum ob laxitatem, ex vita magis sedentaria inductam *, sed quia saepius quoque alios causarum excitantium objiciuntur. Speciem hanc hydropis interdum ex praevalentia tenuiorum sanguinis elementorum oriri suggestum fuit; etiamsi vero generalis naturalisque laxitatis praecedentis et debilitatis in simplicibus solidisque vitalibus effectus sit, ex casibus tamen fortuitis in corporibus aliter sanis nonnunquam fortasse proveniat; et sic multa exempla existant hydropis subito irrumpentis, serosis obstructis evacuationibus; attamen in his etiam, aut retentione rei alicujus noxiae, quae expelli destinata fuit, vel quave causa latente, vis vitae gradatim languescit, solida tonum amittunt, collectiones

* Vid. Ramazzini de morbis artificum.

collectiones aquosae indies progressum faciunt, et magis magisque inveterascunt.

CAUSÆ OCCASIONALES.

Hae tam numerosae, tamque accurate descriptae digestaeque ab illustr. Culleno sunt, ut vestigia tanti viri premere laudi mihi ducam.

Tabula causarum hydropis excitantium.

Serosi laticis accumulatio hydropem efficiens, oritur, ex,

I. Effusione, quae fit

1. Exhalatione aucta ; haec iterum a

A. Resistentibus venosi sanguinis recursum,

a. Obstructionibus,

aa. Pulmonum,

bb. Cordis,

cc. Hepatis,

b. Corporis situ,

C

c. Ple-

c. Plethora venosa,

aa. Suppresso menstruali fluxu,

bb. ——— haemorrhoidali,

cc. ——— evacuationibus ferofis.

d. Obstructione venarum quarundam,

aa. Concretionibus ipsarum polyposis,

bb. Compressione,

a. Tumoribus tunicis earum haerentibus,

b. ————— extra venas,

aa. Schirrosis,

bb. Steatomatosis,

cc. Utero gravido,

dd. Aquae propter ascitem collectae.

B. Obstructis per excretoria fluidis ;

C. Impetu sanguinis in arteriis aucto,

a. Vi externa, ut distentione vel contusione,

b. Febre.

D. Ex-

D. Exhalantium relaxatione, propter,

- a. Paralyfin,
- b. Atoniam universalem, ut chloro-
fi, cachexiaque.

E. Partis aquosae, sanguinis quanti-
tate aucta,

- a. Ingesta,
- b. Retenta propter excreta impe-
dita,
- c. Partis craffioris abstractione, ut,
 - aa. Globulorum rubrorum et
glutinis haemorrhagiis,
 - bb. Glutinis ab evacuationibus
ferosis vel purulentis.

2. Ruptura lymphaticorum,

3. Saccorum aut vesicarum.

II. Retentione et accumulatione fluidorum
naturaliter effusorum, propter dimi-
nutam absorptionem,

- 1. Venis partium lymphaticis caren-
tium obstructis,
- 2. Ipfis lymphaticis, vel glandulis eo-
rum obstructis,
- 3. Paralyfi lymphaticorum.

Quoniam

Quoniam de variis hisce causis differere, opusculum hujusmodi ultra limites duceret, et cum instituti ratione minime congrueret, pauca tantum de iis dicenda sunt, quae ad anasarcam idiopathicam pertinent. Cellulae telae cellulosae, variaeque cavitates in corpore humano, anatomicis et physiologis diu notae fuerunt : Ad fluidorum in illis inventorum naturam autem non attenderunt, nisi quando in quantitate morbida collecta fuerint ; praecipitesque per conclusiones stabilitum erat, fluida in illis omni tempore mere esse aquosa, vel serosa, ab arteriis separata, per venasque rubras statim reditura. Hae utcunque sententiae a peritis anatomiae atque medicinae diligenter perscrutatae fuerunt, ac pro factis physiologiae indubitabilibus adoptatum fuit, ut sanguinis lymphæ, fluidusve consimilis, liquor sit naturalis, per arterias lymphaticas effusus, in venasque rubras translatus, absorbentium vasorum intervenientium instrumento, quae lymphatica valvulosa adpellantur, ex variis in corpore cavitatibus, cellulisque ejus medii

uni-

universalis connectentis surgentia, in ductum transientia thoracicum, in anguloque inter jugularem intimam, sinistramque subclavianam venam, desinentia. Cum fluidum in hisce cavis naturaliter effusum more solito non restituitur, accumulatur, quodque vocatur hydrops producit; cum hocce in cellis membranae cellularis sub cute vera accidit, species hydropis illa, anasarca nominata, oritur. Inter causas diminutae absorptionis tabula insertas, obstructio venarum, partibus lymphaticis carentibus, enumeratur, neque possum, neque auctoritatem tam venerandam negare volo. Tantum animadvertendum est, ut quousque ab analogia ratiocinari liceat, lymphatica esse in cerebro aequae ac in aliis partibus suspicaremur, quamvis rationem eorum reddere non valeamus; nam vel venas rubras ipsas non absorbere, aut etiam absorbentia in ipsas haud omnino terminare, observationes et argumenta Cl. Monro* et Hewson† ultra dubium

* Vid. Monro de venis lymph. valv.

† Vid. Hewson on the lymph.

dubium ponunt. Plura de hacce re dicere haud mihi convenire puto ; quando viri illustres inter sese differunt, non meum est, qui tantum sum tyro, inter illos dijudicare. Causae omnes jam recensitae, sub praedisponentibus, excitantibusque, modo sequenti exitus habeant computatos :

I. Au^ct^a exhalatio, naturali manente absorptionis gradu.

II. Diminuta absorptio cum naturali exhalatione.

III. Au^ct^a exhalatio et diminuta absorptio.

Excretiones suppressae, five naturales five adventitiae fuerint, anasarcam au^ct^a exhalatione inferre videntur. Lymphatica five vasa five glandulae tumoribus schirrhosis vel similibus causis obstructa fuerint, anasarcam absorptionem minuendo inducunt *. Ex sola debilitate hydrops au^ct^a ex-

* Hoc argumentum persequuntur plurimi medicorum ;

exhalationem, diminuta itemque absorptione explicat. In Loweri, Baffii observationibus, commentariisque Gallicis, faccati hydropis, ruptis lymphaticis, aut eorum trunco ductu thoracico, exempla habemus; et quum ruptura in ramusculo uno vel pluribus, aequae ac in maximis systematis partibus absorbentis contingat, rupturam quasi diffusae causam hydropis possibilem respiciamus.

C A U S A P R O X I M A.

Causa hujus morbi proxima in aucta exhalatione et imminuta absorptione fluidi ferofi, communiter consistere videtur. Sola quidem aquae in tela cellulosa collectio, pro causa anasarcae proxima habita fuit; verum enimvero, dum ad praxin respiciamus, ejusmodi de natura morbi ideam nobis

corum; attamen *Monro* cl. objectiones ei ratiocinationi protulit, ab exhalatione aucta etiam in hoc casu oriri asseruit.

bis fingere non licet; etenim experientia liquido constat, effusionem ferofam facilius removeri, quam ipse morbus medetur, id quod pathologicae illi regulae adverfatur, quae dicitur, quod, fublata caufa proxima, tollatur quoque morbus.

RATIO SYMPTOMATUM.

Crurum intumefcentia, afcenfus tumoris gradualis, penetratio in cellas in fuperficie organorum interiorum, flaccidum prementis digiti veftigium tarde confurgens, omnia cellularum communicatione pofitioneque erecta naturaliter dependent.

Urinae paucitas—Ex fluido, urinam in ftatu fano fuppeditante, ad membranam cellularem jam abducto, explicetur. Verifimileque videtur, ftatum renum infirmum ad eam producendam nonnihil valere.

Cutis valde pellucida, levis ac arida fit.
—Per tenfionem quam efficit aqua in cellularis

lulis collecta, ac per inopiam perspirationis.

Calor decrescit.—Fluidis extravasatis, tonus vasorum aboletur, et, ut calor cum eorum tono arcte conjunctus videtur, sic ex atonia illorum affici quoque illum necesse est.

Cutis insensilis fit.—Fluidum accumulatum non modo in vasa sanguinea, sed etiam in nervos pressura et humiditate, agit.

Dyspnoea, anxietate, et tussi vehementi plerumque comitata.—Pulmones premuntur, et cor ac arteriae vigore non florentes, in omnibus suis viis superficiem versus impediuntur, unde sanguis interne accumulatur, et sic memorata symptomata producit. Etsi tussis rationem ineamus, ex pulmonum compressione, sanguinisque difficili per eos transitu, nobismet tamen saepe cogitare licet, eam ex frigore nonnunquam inferente morbum oriri; saepissime vero ac directe ab irritatione exterioris pulmonum superficiei, ex motu fluidorum excitari videtur; ex locali etenim hydrothorace satis constat,

D motum

motum vel levissimum tussim violentam semper producere.

Pulsus imbecillis, frequens, ac irregularis fit.—Haecce phaenomena ex debilitate, sanguinis in interioribus accumulatione, et repugnantia praesertim in pulmonibus cordi arteriisque, pendeant. Forsan etiam pulsus abnormis ex mutato situ motuve corporis explicari possit.

Sitis.—Vel fit sensatio ex quadam faucium conditione producta, vel ex generalis systematis necessitudinibus orta. In priori casu, ex inopia secretionis ibi, et abductione magna fluidarum partium, explicari debet; in posteriori autem casu, quamvis partium fluidarum abstractio illum exponat, tamen in stadiis nonnullis pulsus celer, diaeta crassa plerumque iussa, ac forsan etiam fluidi absorptio, cum aucta acrimonia, ut causae sitim excitantes haud immerito considerentur. Sive existimamus fluida effusa per poros inorganicos, vel per arteriarum extremitates transire, valde perspicuum erit, relaxationem debilitatemque solidorum

solidorum lumina illorum augere, unde exitus expeditior partibus massae circulantibus magis fluidis permittitur. Hocce fundamento nixi, cutis relaxatione ad sudorem promovendum saepe utimur. Sed, ut pars aquae redundantis in statu sano per latera vasorum, praesertim exhalantium, in membranam cellularem, aequae ac in alias corporis cavitates, continuo iter sibi facit, ad superficiem earum madidam servandam, ita horum fluidorum quantitas necessario augebitur, eorumque de systemate circulanti expulsio expeditius efficietur. Hoc igitur effusionis auctae rationem praebet; sed talis est absorbentium vasorum natura, ut, in corpore sano, actio illorum plerumque quantitati liquoris effusi adaequata est: Ut itaque rationem reddamus durationis hujusce effusionis, supponendum est, lymphatica etiam debilitatis participes esse, et quod atonia iis communicata suo munere fungi solito vigore amplius nequeant. Hocce autem vim muscularem vel viventem in lymphaticis supponit, quam
dum

dum assumamus, auctoritate Monroiana veneranda sustentati sumus *. Haecceque opinio mihi probabilior videtur, quia nulla alia vis fluxum lymphae regularem explicando par est ; alterna vasorum sanguineorum muscutorumque contractio et relaxatio, ad fluxum hunc lymphae producendum, nec universalis satis, nec apta est ; et attractio capillaris, si locum obtineat, motum tantum incipere potest †.

P R O G N O S I S.

Hancce a causis remotis, duratione morbi, et symptomatum statu, simul ac aetate, vi, et constitutione aegri, deduci necesse est. Si a frigore, aut ullius excreti obstructione, quod iterum restitui possit, initium habuerit morbus, si aegrotus florens aetate infractaeque constitutionis fuerit, morbusque recens, prognosin secundam caute praebemus ; e contrario autem, si scirrhus, polypus, vel ossificatio, inter remotas fuerint causas,

* Praelect. Anatom.

† Vid. Lower de Corde.

causas, aegrotus aetate provectus, viribusque fractis, sententiam saltem nostram procrastinare oportet, si non moribundum denunciare animus esset.

METHODUS MEDENDI.

Consilia tria curandi sunt,

- I. Aquam evacuare.
- II. Vigorem systematis amissam reddere.
- III. Symptomatibus urgentibus succurrere.

I. 1. Per excretoria

a. Catharticis

b. Diureticis

c. Diaphoreticis

2. Per exitus ex arte confectos

a. Epispasticis

b. Fonticulis

c. Puncturis

3. Absorbentium actionem augendo

a. Frictione

b. Vomitu

- c.* Electricitate
- d.* Tonicis universis
- e.* Pertinaci ab omni potu abstinencia

II. Diaeta plena

- a.* Exercitatione
- b.* Aëre puro et sicco
- c.* Cortice Peruviano
- d.* Ferro
- e.* Acido vitriolico

III. *a.* Venaesectione topica

- b.* Generali

Modus evacuationes augendi naturales, illi anteponendus recte videtur, quo artificiales mere excitantur, ac de variis medicamentorum classibus, quaeque strenue ut caeteris praestantior laudata fuit; verum enimvero, ut nulla earum omnibus circumstantiis morbi, aut unicuique habitui accommodata sit, de singulis agam. Quo medicamenta stricte sic dicta primae respondeant indicationi, dietae aegrotantis peculiaris ratio habenda est; hacce enim cautela

tela posthabita, suppleri necesse est aquae collectio tam celeriter ac ulla pars absorbetur et excernitur; quapropter gelatinae, juscula, ova, aves praesertim ferae, cum carne quadrupedum leviorum, diaetam constituent. Vinum rubrum (*port vel claret*) Anglis dictum, forsitanque majori adhuc proprietate *Rhenanum*, utpote validum diureticum, liquor *gin-punch* dictus, nec non cerevisia illa *porter* dicta, si aegro ita placuerit, potus munere fungantur, ad sitim levandam, vimque corporis sustentandam. Fluidorum effectus ingestorum excretionefque accurate, si fieri potest, ad mensuram redigantur, effusionemque non crescere, si compertum fuerit, magis in fluidorum usu acquiescamus; at si contra, sitis tamarindis, malis aurantiis, similibusque linienda est, potusque quantitas diminuenda. Corpus calidum fervare haud levis momenti erit; quem in finem vestimentis calidis utatur aeger, quae, sedativos frigoris effectus in superficiem praeveniendo, perspirationem promovent; lancae vestes optime conveniunt.

niunt. Exercitatio sub dio, pro ratione vi-
rium aegrotantis, quotidie repetatur, aër
ejus vi tonica multum adjuvabit; equita-
tatio, et gestatio curru, ambulatione minus
defatigant; huic igitur praeferri debent,
currusque locum coeli opportunioris sup-
plebit. Hisce praemissis, ad medicamenta
strictè sic dicta jam propius attendamus.

Emetica—morbo recente, a frigore duc-
to origine, strenuissime indicantur; super-
ficiem corporis versus expellendo, vel con-
strictionem cutis relaxando, diaphoresin
promovent, corpusque universum stimu-
lando, vigorem absorbentibus amissum re-
stituunt; omni praeterea dubio caret, a-
quam hydropicam inter actionem vomendi
ejectam quandoque fuisse*. Antimonii
praeparationes et ipecacuanha huic scopo
bene conveniunt; verum enimvero, si, pau-
cis dosibus propinatis, effectus expectationi
nostrae non responderint, ab emeticis direc-
tis abstineamus, eorumque qui eodem tem-
pore

* Vid. London Medical Observations. Praelect.
clinici Doctoris celeb. Rutherford, 1752.

pore alias secretiones promovent, periculum faciamus ; huic generi referatur *radix scillae*, cujus eximias vires multoties expertus est primi subfellii clinicus ille Professor Home. Modus praeceptoris administrandi satis simplex est ; ad grana duo vel tria scillarum ficcatarum adduntur grana nitri quindecim, tantumque pulveris nucis moschatae ; hoc in initio bis vel ter de die fumitur, paulatimque ad nauseam augetur, ope cujus futuram medicamenti dosin dirigamus. Diuresin pulchre promovet ; praecipuum vero ejus effectum circa duodecimum diem, inducta vomitione, expectare licet ; hoc enim modo viginti quatuor librae aquae in ascite saepe evomitae fuerunt ; si ita acciderit in hydropis hac specie, tam accurate quam post paracenthesin in ascite circumligandum est, paululumque vini, ad vires sustinendas, permittendum. Etsi illust. noster Home hujus medicinae in anasarca nunquam periculum fecerit, nullus tamen dubitat, quin, si fides analogiae habenda, effectus eisdem in hac, ac in altera

E hydropis

hydropis specie, praeberet. Inquit praeterea, quod experimentum in anasarca certe fecisset, nisi incisiones multo magis expeditas, immo dissentientibus etsi plerisque auctoribus, tutissimas quoque invenisset. Sed notandum est, systema torpidum hydropicorum, ad actionem iisdem medicamentorum evacuantium dosibus non excitari, quae in corpore sano vel in aliis morbis rem agerint; itaque, si vomitus tempore memorato non acciderit, eum antimoniali excitemus; si vero nobis hocce deficerit, medicina tamen nostra ad diuresin promovendam utamur. Verum, si nifus ad vomendum apparuerit, per infusum chamaemeli aut sinapis, vel tenuem albi vitrioli solutionem, incitetur, quod ultimum caeteris anteponendum apparet, quippe quod, praeter emeticam, vim quoque possidet tonicam ac roborantem. Haec medicamenta, debilitate magna, dyspnoea, lethargicisque vel apoplecticis symptomatibus non contraindicantibus, duorum vel trium dierum intervallo,

intervallo, una cum frictione et exercitatione assidua, repeti debent.

Cathartica.—Elaterium, gambogia, et draastica iis similia, raro aut nunquam, morbo tantum ineunte, nisi leniorum impotentiam in officio fungendo sensimus, adhibenda sunt; etsi etenim, in initio morbi, robur corporis maxime praevaluerit, pauca tamen draastica, extra modum corpus debilitando, spes futuras ab aliis medicamentorum classibus frustrarent *. Jalapio per se, aut tartari cremore et calomela mixto, nostro judicio, pro directis catharticis uti debemus; forsitanque etiam quaedam mitiora, velut cremor tartari per se, omnibus ab aliis speratis conveniant; verum enimvero fluxum urinae eodem tempore promoveat, si in aqua solutus foret; dosis ejus primo ad semunciam extendat, gradatimque ad unciam unam augeatur. Medicamentum hocce primo

* Et ubi fractae vires nocet vehemens per alvum purgatio; enim plus humoris e corpore ejicitur, eo major ipsius copia brevi in cavitates refluit. Mead, Monit. cap. 8.

mo nobis intulit Manghini *, posteaque eo optimo successu usus est celeberrimus Professor Home ; et ex ejus observationibus de eo †, et ab effectu ejus in conclavi clinico nosocomii regii, credere inducor, quod aliis catharticis valde praestet, verisimileque videatur alio modo nonnunquam agere ; enarratur enim ejus effectus anno millesimo septingentesimo septuagesimo octavo in aegrum quemdam, quo nulla spectata catharsi, sola ejus operatione ad diuresin restricta, sanavit. Nullum praeterea dubium manet, quin obstructions aperiundo aliquando operatur ‡. Manghini effectus ab eo eisdem usu comperit ; etiamque in hujusmodi statu, in affectionem quasi localem pendente, hincceque insanabili judicato, mensuram urinae ab eo maxime auctam esse repertum fuit. Quamobrem, ut hosce duos veluti evacuandi modos simul connectit, haud dubio remedium nobismet magni pretii illatum fuit,

et

* Vid. Comment. Acad. Bonon. p. 260.

† Praelect. clinic. celeb. Home.

‡ Praelect. in Mat. Medic.

et procul dubio experimento jure plerumque dignum. Sed non simulandum est, quod acidum vegetabile, maximam partem ejus componente, debilitans et refrigerans evadit; quam propter causam aromatica materia, ad hosce effectus repugnandos, commisceri debet *. At si ad extremum proposito non congruerit, aliis catharticis, antea memoratis, haud raro utamur.

Pilulae tonicae—in patriam hancce nuper invec̃tae fuerunt, et a nonnullis rem practica[m] medicinae exercentibus multum laudantur; ac, si fides iis habenda sit, multum praestiterunt, melampodii extracto, gummi myrrhae, et cardui benedicti pulveri, compositionem debent; et beneficium ab iis interdum, nec empyricen exercendo, procul dubio acquiramus.

Diuretica.—Haecce maximi momenti sunt; ob eamque causam, summa in iis administrandis cautela requiritur; ex remediis plurimis in hoc morbo usitatis, minimae

* Praelect. Mat. Med. celeb. Home.

mae exceptioni subijciuntur; si nil profint, saltem innocua sunt, et in corporis statu debiliori, in iis haud sine ratione equidem ad acquiescendum coacti sumus.

Scillae radix.—De hisce jamjam ad aliam intensionem diximus; si in duplici proposito supra memorato parum succederint, iterum ad diuresin tententur promovendam: Nonnullis vero talis est idiosyncrasia, vel granum unum in ventriculo medicamenti hujusce vix sustineant; multum vero in pilulis cum gentianae radice extracto formando praeventatur: Nec desunt medici, iique periti, qui ad renes cum mercurio conjunctae sint, dirigi certius asserunt. Hocceque consilio duae pil. scill. phar. Edinens. partes cum una mercurialium commisceantur.

Cremor tartari.—Hujusce effectus, quo ad diuresin catharsinve spectant, minori majorive aquae quantitati, in qua dissolutus fuerit, attribuendi sunt: Hoc igitur praemisso, ei potio tam aquae ad intensionem addatur, ut mole parva zingiberis nucis moschatae, vel cinnamomi, eventus ex vi refrigerante

refrigerante evitentur, alvus non cieatur, diuresisque producat; semuncia pro dosi, modo supra memorato, administraretur, per diemque saepissime, ut apte tolerari possit, non obstante catharsi, repetiretur; at, si tenellus erit aegrotus, divisis portionibus, intervallis aptissimis, sumi oportet.

Spiritus nitri dulcis—ad urinam promovendam satis idoneum videtur remedium; proculque dubio hic locum obtinere debet: Ex viginti ad guttas quinquaginta pro re nata repetitas adsumatur.

Colchicum—tempore ex illo quo primum Doctor Storckius tractatum suum in lucem edidit, apud nostrates in frequenti usu est, viribusque magnis praeditum videtur. Inter medicinam attamen exercentes, de vi ejus etiam adhuc moventur lites: Ei scillas longe anteponendas alii ducunt; dum alii vero, contrariam amplecti sententiam, illo maxime nituntur. Adhiberi potest vel per se, oxymellis forma, vel electarii craf-
situdinem cremori tartari adjunctum. Do-
ctori Gregory, jam satis abrepto inimicis,
nulli

nulli etsi fama secundo, valde arridebat haecce admistio. Testatur eam frequentius feliciori successu, remediorum alterutro seperatim sumpto, usurpatam fuisse: Unum exemplum recensere juvat, quo, hydrope huicce jam cedente, pars una componens subducebatur, ac aegrotus statu eodem mansit; sed, ea restituta, morbum penitus fugavit. Siquidem vero in omni exemplo diuretica haud passibus procedunt aequis, ea non deponenda censemus, priusquam etiam salis alkalini, acidi liquoris, vulgo *punch* dicti, et bacc. juniperi infusionis, periculum fecerimus.

Digitalis—nonnullis sub inspectione celeberrimi Doctoris Hope, in Nosocomio regio Edinenfi nuper habitis experimentis, liquido constat, remedium esse potentissimum; in primordio vero morbi sumi debet; forma haecenus infusionis semper exhibita fuit.

Sudorifica.—Inter medicinae peritos plerumque convenit, haecce ex usu fore pro certo, si habuissimus ea instituto quo adhibentur,

bentur, semper respondere ; sed ob cutis constrictionem, languidumque sanguinis motum in partibus externis, sudorem evocare valde difficile est ; vixque ex illis quicquid speratum, nisi ab perspiratione impedita originem duxerit morbus, immo eodem tempore manente systematis vigore. In nosocomio autem regio, quo magis transpiratio per cutem augebatur, eo magis urinae profluvium augeri notavit Doctor Hamilton.

Electricitas.—Scintillae quamplurimae, iterum atque iterum repetitae, homini insulato demptae, remedium valde probabile penitusque innocuum videntur, absorbendique vires eodem tempore augent ; hujusmodi attamen potentissima sunt, quae ad vomitionem inferendam etiamnum tendunt.

Pulvis Doveri—ad hoc vero praestandum, haud infimi nominis remedium videtur, et in hunc finem felici successu in nosocomio nostro usurpatus fuit, nec compositione, agendi modoque minus ex eo sperare possemus. Quoad formam, in bolum

cruftulo farinario tenuiffimo involutum re-
daétus, aptiffime fumi videtur.

Antimonii praeparationibus, — quoque, te-
ftante Doétore Donald Monro celeb. non-
nulla habenda eft fides ; nam, inquit ille,
non modo ad cutim remittendam inferviunt,
fed etiam alvum folvunt, urinam augent.
Horum medicamentorum operatio, balneo
tepidò forfitan adjuvaretur ; arenae balne-
um, vel clibanus ab antiquis ufurpatum, e-
tiam ex commodo effent *.

En generalis nofta methodus ! Nobifmet
autem occasio faepe praebetur peculiaria
quaedam animadvertendi, quae feu caufae
agentia remotae, ad artis normam traétan-
dae funt ; fic, fi obftructio urinae morbum
intuliffet, ad urinam moventia confugere-
mus ; fi vero perfpiratio impedita in caufa
fit, ab emeticis potius, fudorificisque fuppe-
tias peteremus ; fi alii non cedat morbus, a-
lii

* Evocandus eft fudor non per exercitationem tan-
tum, fed etiam in arena calida, vel laconico vel clibano,
fimilibusque aliis ; maxime enim funt utiles ficcae fuda-
tiones naturales ; Vid. Celfus, lib. 3. cap. 24.

lii recurrendum, raroque pro insanabili habendus est, antequam illorum potentissimis usi fumus. Si vero indies malum, non obstante medicina, ingravescat, vel, priusquam medici consilium requiratur, ad summum usque gradum pervenerit; si tumoribus longe lateque extensis comitatum, inque texturam pulmonum cellularem penetraverit; si dyspnoea periculosa jamjam illata fuerit, vel si partes tumidae rupturam minitent; aqua incisionibus caute abstrahatur. Parvulae igitur puncturae, spatio pollicis intermisso, scalpello chirurgico fiant, minus utpote periculum habentes, quam majores; insuper, majori numero saepiusque repeti, possint. Partes vero magis dependentes primum non pungendae, ut gangraena probabilius fluidum serosum ex variis foraminibus, minore quantitate ac momento deducendo, quam intempestive totum semel detrahendo, evitabitur. Femora ideoque primo, caute evitatis nervis, vasisque sanguineis, pungenda sunt, partibusque superioribus frictione ac compressione
levi

levi expurgatis, gradatim ad talos descendendum est; cruribus tuncce lanula circumvolutis, vulneribusque identidem leni aliqua materia inunctis, gangraenae exortum usu fomentationum adstringentium, cum camphorato vini spiritu, vino rubro Lusitanico, intusque cortice Peruviano adhibitis, caute praecavemus.

Fricção.—Siquidem ad absorptionem augendam, dum calorem nativum restituendum tendit, assidue applicari debet; nonnunquam etiam, interveniente materia aliqua oleosa, (oleo nempe cicutae, vel camphorato), quae aegri animum occupando, magisque morigerum praescriptioni reddendo, multum prodesse, imo etiam absorptioni plurimum favere potest, et quo minus abradatur cutis, plurimum valet.

Annon fricção cum materiis stimulantibus in nonnullis hujusce morbi stadiis, absorptionem promovendo, aliquo interveniente gradu febris, usui esse posset? Jam notavit etenim Doctor Alexander, de usu externo cantharidum differens, efficax medicamentum

dicamentum evadat, praecipue in omnibus affectionibus confirmatis, frigidi, leucophlegmatici generis, ubi naturalis calor ac circulatio defecerint; siquidem ejus opè, fervorem inflammationemque artificialem in partibus hisce excitare possumus, quibus obstructions relinquantur, ac absorptio humorum extra vasa effusorum promoveatur*. Oleum hepatis squatinae, in terris editis Scotiae, frequenter usum fuisse fertur, frictione in rachitide externa, eventuque prospero, et magis minusve usu ejus copioso, quem febris gradum volunt, excitare posse ejusdem loci incolas; illud operandi hocceque modo mederi†. Nonne hinc concludere licet, aliquam parvam similitudinem, rachitidem inter et anasarcam, adesse? Utrique debilitatis magnus inest gradus, ac nimia aquae copia in utro casu abundat, totumque systema afficitur; intervenientique febre, haud raro in sanitatem anasarca abit; idcirco in manibus forsitan disciplina
 prac-

* Vid. Experimental Essays.

† Prael. celeb. Doctoris Duncan.

practica eruditorum, in nonnullis casibus, experimentum mereretur. Ufus indufii ac ex lanula subligaculorum praescribi debet, ac si aeger in frigido vel madido aëre vitam agat, in sicciores, mitioresque regiones, demigrare oportet. Si medicamentorum jam memoratorum usu, vel alia quacunque ratione, tumor hydropicus amoveatur, summa ope niti decet ne recurrat morbus ; idcirco prae oculos habenda est,

Indicatio secunda; novam nempe praecavere accumulationem *. Admonitiones de cibo, potu, ac exercitatione jam traditae, hicce ad unguem observandae sunt ; prorsus enim necessariae sunt, minoremque haud medicamentorum partem efficiunt ; etsi consilia hisce de rebus antedicta,

* At vero prae caeteris serio animadvertendum est, quod, quoties hunc morbum solis corroborantibus, vel etiam lixivialibus, aggredimur, aeger nullo modo expurgandus est, sive mitiori, sive fortiori quocumque pharmaco, tantisper dum sanguinis corroborationi navatur opera. SYDEN.

dicta, ad tonum recuperandum, haud omitti queunt; hic attamen repetitione haud opus esse arbitramur. Longis vero intervallis, lene emeticum (nostra quidem sententia) adhibere convenit; multumque, ni fallor, proderit, non solum seu exercitationis species, verum etiam partis alicujus effusionis occultae, quae adesse arbitraretur, absorptionem promovendo. Diuretica inter usum refoventium frequentius adhiberi licet.

Cortex Peruvianus—tonica inter eminet, votisque semper respondet, satisque innoxius est. Quo magis attamen emolumentum ex eo speramus, tanto magis in substantia, portionibus largis saepe saepiusque repetitis, exhibere debemus; eodemque tempore quo evacuantia, licet modo exhibendi solito repugnet, alternatimve cum illis praescribatur, existimamus. Vinum rubrum vel Lusitanicum, utpote quam aqua majori vi tonica praeditum, ad corticem vehendum ergo longe anteponendum.

Chalybeata.

Chalybeata.—Haec saepe multum profunt, simulque vel alternatim cum cortice adhiberi possunt. Variæ a variis auctoribus ferri præparationes, sicuti caeteris anteponendæ, collaudatæ fuerunt; attamen sal martis, virideve vitriolum, tinctura martis, cum limatura ferri præparata, nunc nec immerito palmam omnibus aliis præripere videntur.

Acidum vitriolicum—eodem animo quo cortex vel chalybs usurpare licet, et fere una cum iis adhibetur; vires ejus tonicae omnibus adeo innotescunt, ut de illo tanquam de caeteris parum dici restat.

Mutatio coeli—quamvis vi tonica stricte loquendo nequaquam pollet, attamen (neminem enim opinor fugit, quot quantasque in corpore mutationes animus efficere valet) novarum insolitarumque idearum series, ex ea orta, una cum exercitatione itinerandi, eam nostra attentione nec immerito dignam reddunt. Ad fontes iter medicinales aegrotus tendat, illic hilaritas præsidet, resque opportuna gaudent. A-
quarum

quarum etiam mineralium potatio, praesertim si chalybeata, in substantia adhibita, nauseam creaverint, ex commodo essent, et quibuscvis aromaticis, vel vino, palato eas gratas reddendi causa, admiscere licet.

Balneum frigidum.—Lavatione in aqua frigida marina, apto tempore anni, forsan feliciter uteremur; sed semper caute, nec antequam aegrotus quemdam virium gradum recuperaverit, me iudice, adhiberi debet.

Levis compressio, cruribus ac abdomini admota, firmitudinem etiam tonumque solidis praebebit. Indicationem tertiam omnino ad venaesectionem topicam vel generalem restrinximus, ut de aquae per puncturas extractione, jam fuse dictum fuit. Symptomata urgentia, quae sanguinis emissioni faveant, ut nobis liquet, ad laesam respirationem malis localibus stipatam, referenda sunt. Quamobrem, ut res magni momenti sit, oculos nostros ad eam modo vertamus. Effectus sanguinis missionis, omni tempore, cunctisque morbis,

G

diligenter

diligenter animo versari, priusquam absolvatur, oportet; plusque in huiusmodi morbis, quam in aliis, cautela, opus est. Si habitu plethorico gaudeat aeger, viribus haud admodum fractis, si urgeat ingens dyspnoea, vel affectione topica comitata, quae anasarcam intulisse suspicaretur, et si morbus non longe proventus erit, primum quid epispastica ad haec symptomata sedanda facere possint, experiamur; et si votis non respondeant, sanguinem mittere modo topico, vel hirudinibus, vel scarificationibus, progrediamur; et ad generalem de brachio sanguinis detractionem, omnibus aliis modis parum succedentibus, tandem confugiendum est. Quantitas, uno tempore vel hocce vel modo alio emissa, parva debet esse, quippe ad libitum repeti potest; tametsi enim morbus subito irrumperit, crasis sanguinis longa ejus duratione admodum laedatur. “ Si hydropicus (ait *Hippocrates*) difficulter spiraverit, et tempus vernum fuerit, et simul aetas viguerit, et virium robur adsit, de brachiis sanguinem

sanguinem detrahere oportet.” Ægineta etiam haec verba habet : “ Curantis initium facimus in anasarca ab evacuatione per venaesectionem, maxime si ob haemorrhoidum aut menstruae purgationis suppressionem conflata fuerit affectio :” Vobis vero nimium non credendum est speciei sanguinis jam detracti : tametsi enim auctores asseruerunt, sanguinem in hocce morbo detractum tunicam crassam semper habere ; accurato tamen experimento, hancce tunicam tantam quantitatem materiae coagulabilis in se continere, quantam sanguis in morbo inflammatorio detractus, nequaquam constat *. Ubi convaluit aliquis, diu tamen alienus ei veneris usus sit †.

Hocce opusculo nunc tandem ad finem perducto, nihil mihi restat, praeterquam gratias quam maximas agere doctissimis Praeceptoribus meis ; omnibusque aliis in hacce alma academia, a quibus mihi contingit

* Vid. Hay's Experiments on the blood.

† Vid. Principia Medicinae ab illustr. Home.

git erudiri. Ac, quamvis eheu ! mihi nunquam erit voluptas eos amplius revifendi, tamen infinita beneficia in me collata, dum illis auspiciis medicinae studio animum adhibui, ex pectore meo nunquam dilabentur.

F I N I S